

bolice uersutiæ ausus est cōtradicere, pudore correptus  
necessitatem ut cedat uirtuti.

## CAP V T II.

**V**OCLO enim uos scire quantum pro uobis  
& pro his sollicitudinem habeam qui La-  
odiciæ sunt, & quotquot non uiderunt fa-  
ciem meam in carne, ut cōsolationem ac-  
cipiunt corda eorum cum fuerint instru-  
ti in charitate, in omnes diuitias plenitu-  
dinis intellectus, ad agnitionem mysterij dei in Christo  
in quo sunt omnes thesauri sapientiae & scientiae abscon-  
diti.) Non se minus sollicitum pro his quos in carne mi-  
nime uidit quam de illis erat quibus præsens prædica-  
bat testatur, ut scirent non minore affectu diligi se abeo,  
quia eos non uiderat, quam cæteros apud quos erat dili-  
gebat, ut foueret animos eorum in charitate, & prompti  
fierent per epistolam, agnitionem acciperent sacramen-  
ti dei in Christo, aduertentes has esse sapientiae & scien-  
tiae diuitias, si agnoscatur Christus in deitatis suæ plenâ  
tudine adorandus. Omne igitur mysterium sacramenti  
dei in Christo est. Hic est enim unus in quo omnis creatu-  
ra nisi sperauerit, peribit, ut omnium potentia in eo sit,  
ut qui cognoscit istum, cunctorum quecunque sunt cogni-  
tionem uideatur habere. Nec colendus aliis præter huc  
requiratur, quia omnium potentiarum uirtus in eo est.  
Ex ipso enim habent omnes. Vnus enim cū sit, omnia po-  
test: Quare & caput omnium dicitur, ut per ipsum omnes  
subsistere uideantur. Digne ergo omnes thesauri sapien-  
tiae & scientiae in eo dicuntur absconditi. Omnis enim sci-  
entie ratio totius creaturæ supernæ & terrenæ in eo ut  
sit, oportet, qui omnium eorum caput est, siue angelorum,  
siue solis, siue lunæ, siue stellarum aut cæterarum rerum  
omnis scientie peritia in autore illorum est, ut qui hunc  
agnoscit nihil ultra requirat, nec sapientiam nec uirtu-  
tem quia agnouit eum in quo perfecta uirtus perfecta est  
sapientia est. Quid enim alibi se putauerit inuenire, ple-  
ne in hoc & abunde inueniet. Nam quid sapientius Salo-  
mone

mone, quid prudentius **Danièle**, quibus idcirco deus præ  
cæteris sapientiam dedit, ut notum faceret infidelibus to-  
**Daniel.** tius se sapientem esse autorem? Deniq; **Nabuchodonozor**  
dicit **Daniel**, admirans super sapientiam eius: **Vere deus**  
uester ipse est deus uiuus, & aperies mysteria. **Quod qui-**  
**dem omnem incredulum latet, in Christo omnem esse sa-**  
**pientiam & scientiam**, quia non legunt in **Euangelij**  
**astrologiam**, non in apostolo geometrica, non in pro-  
pheta arithmeticam, nec musicam, quæ idcirco despecta  
sunt à nostris, quia ad salutem non pertinent, sed magis  
mittunt in errorem & auocant à deo, ut dum his studet  
ratioinationum disputationibus curam animæ suæ nō  
habeant. **Quæ enim tam uera sapientia est nisi cognouis-**  
**se quod prospicit, & despexisse quod obſit?** Obest enim quia  
impedit animam ne curam sui agat. **Non immerito er-**  
**go qui Christum agnouit, inuenit theſaurum sapientiæ**  
**& scientiæ, agnouit enim quod ei sit utile.** **Hoc dico,**  
**ut nemo uos circunueniat in subtilitate sermonis.** **Nam**  
**& si corpore absens sum sed spiritu uobiscum sum gau-**  
**dens & uidens ordinationem uestrā, & supplēs id quod**  
**deest utilitati fidei uestræ.)** Commonet ne in malorum  
colloquijs & astutia iniuitatis sensus eorum traducere  
tur, quia sapientes mundi arte quadam & minutis di-  
putationum irretire gestiunt simplicium animas, ut ra-  
tione mundanarum rerum abstrahant eos ab ſpe quæ eſt  
in **Christo**. **Vnde apostolus spiritu ſe illic addeſſe dicit, ut**  
**reuerentiam eius ante oculos habentes abſtinerent ſe ab**  
**huiusmodi hominibus.** **Si enim ſpiritus Helisæi prophe-**  
**tæ uidit fraudē Giezi euntis ad Naaman Syrum, ut acci-**  
**peret sub nomine eius quæ illi mandata non fuerant, &**  
**descendentem prompto animo Naaman ei plus dediffe**  
**quām fuerat poſulatus, quanro magis ea quæ dixit po-**  
**terat in ſpiritu uidere?** Maior enim gratia fuīt in **Apo-**  
**ſtolis quām in prophetis.** **Et ut promptiores illos face-**  
**ret circa traditionem Euāgeliū, gaudere ſe dicit in dispo-**  
**ſitione conuersationis illorū, ut ſcientes unde deo placea-**  
**tur, in eo fierent firmitores, per quod digni effecti ad uti-**  
**litati**

litatis profectum, fidei suæ addiscerent sensum. **T**Quē-  
admodum enim accepistis Christum Iesum dominū no-  
strum in ipso ambulate, radicati & edificati in ipso &cō  
firmati fide sicut & docti estis ambulātes in illa cum gra-  
tiarum actione.) Hoc monet & hortatur, ne deuotio eo-  
rum minueretur & recederet à fide quam fuerant asse-  
cuti, & prauis fabulis euersi aliter Christum acciperent  
quam didicerāt. Multi enim corruptores fidei circuibat  
ad seducendos simplices dolose, & cum simulatione an-  
nunciantes Christum, quos euitari monet magna cau-  
tela, ut stabiles & firmi supra fundamentum trinitatis  
spe futurorum gratias uberes agerent super misericor-  
dia dei. **V**idete ne quis uos deprædetur per philoso-  
phiam & inanem fallaciam secundum traditionem ho-  
minum, secundum elementa huius mundi, & non secun-  
dum Christum, quia in ipso habitat omnis plenitudo di-  
uinitatis corporaliter.) Philosophiam dicit terrenam,  
per quam solent seduci, qui cupiunt prudentes iudicari  
in mundo. Hęc argumentis & subtilitate minutis quo-  
rundam componitur, quasi physicas inuestigarerit rati-  
ones, quædam habens admixta quæ hortamēta sunt bo-  
ne uitæ uel documenta, aliquando de mensuris, nec non  
de numeris, aliquando de elementorum qualitatibus &  
quātitatibus ordinata. In cuius disputationibus qui in-  
ciderit uix & raro euadet. Detinetur enim uerisimilibus  
causis, & commenticijs rebus, nihil tam uerum æsti-  
mans quam conspicitur & intelligitur in elementis. **E**t  
quia quæ ad præsens sunt & cernuntur oculis suauia &  
oblectabilia uidentur, aliquantos seducunt qui spiritale  
rationem despiciendam & ridendam putant desperatio-  
ne futuri, omnem uim astris assignantes, carnali ratio-  
ni obnoxii, ne grauia credēda sint sustolli in cælum pos-  
se néue leuia uenire ad terras, aut aliiquid corporeum si-  
ne rerum admixtione generari, repugnates potentiae ac  
prouidetiæ dei. Sciat em̄ legi in diuinis ueteribus Hebræ  
vix uoluminibus multa gesta p̄ Moyſen que humana ra-  
tio nō capi, simili mō & in nouis libris facta à domino

aut

aut per apostolos quę tractatus carnalis prohibet credi.  
**Hanc ergo traditionem uel philosophiam fallacē & ina-**  
**nem appellat, quia non à potētia dei ordinata est, sed ab**  
**imbecillitate ratiocinationis humanæ, quæ potentiam**  
**dei intra scientiam suam coartat, ne aliter credatur face-**  
**re quam carnalis se continet ratio, qua singulis elemen-**  
**tis diuinitatis diuersitatē deputant ad culturam, ut obli-**  
**gent animos imperitorum ne se ad deum uerum exten-**  
**dant.** **Quam ob rem cauendam monet traditionem istā,**  
**quia mundi cultrix est, non dei qui unus est, nec ad Chri-**  
**stum sed à Christo abstrahit in quo perfectio diuinita-**  
**ris est.** **Omnia enim quæ habet pater dedit filio cum illū**  
**in plenitudinis genuit diuinitate corporaliter, ut quia**  
**ipse caput est, creatura autē eius corpus est, quicquid pu-**  
**tatur posie cœlestis creatura, hoc totū plene in Christo**  
**esse credatur, ut nullus arbitretur quēquam colendum.**  
**Quicquid enim in aliquo magnum putauerit, plus in il-**  
**lo inueniet, quia omnes ex ipso habent sicut ex capi-**  
**te membra, ipse autem plenus est semper.** **¶ Et estis in**  
**illo repleti, qui est caput omnis principatus & potesta-**  
**tatis.)** Plus significat credentibus dari quam potest in ele-  
mentis comprehēdi, quia qui in Christo est, repletus est  
diuinitatis abundantia quam elementa non habent. De-  
nique in credētibus spiritus sanctus inhabitat quod ele-  
mentis concedi non potuit, quia indignum erat & incō-  
gruū, ut inuisibilis habitaret in substantia uisibili, & in-  
corporeus in his quæ sensibilia sunt. Audiant ergo & ue-  
niant cultores eorum & credant in Christo, ut fiant ma-  
iores eorum quos nunc colunt. **¶ In quo etiam circunc-**  
**cisi estis, circuncisione nō manufacta, in expoliationem**  
**corporis carnis in circuncisione Christi, una cum illo se**  
**pulti in baptismo in quo & simul surrexistis per fidem**  
**operationis dei, qui suscitauit illum ex mortuis.)** Hi cir-  
cuncidūtur in Christo qui amputata totius traditionis  
humanæ cultura Christo iungūtur corde non carne cir-  
cuncti, id est, in spiritu non in carne seruientes, ut à ter-  
renis ad cœlestia, ab humanis ad diuina, & ab errore cō-  
uertantur

uertatur ad ueritatem, capitī & autori suo copulati per  
 charitatem. Cum quo & sepulti sunt in baptisme, resur-  
 rexerunt autem per fidem dēt, in quo credunt quod exē  
 plo Christi resuscitabit illos ex mortuis. Illic enim ho-  
 mo uetus deponit & nouus assumitur: Peccatis mor-  
 tur, ut uiuat iusticæ. Elementis abrenunciat, ut Christo  
 societur, resurrectionis futuræ tenens pignus exemplo  
 saluatoris qui resurrexit ex mortuis. Hęc igitur commo-  
 net ut perseverent in abrenunciatione pompæ & præ-  
 stigij satanae. Qui idcirco elementorum suadet culturā,  
 ut à deo auocet & participes apostasie suæ uolens effice  
 re homines, Quia enim sub nomine suo culturam suade  
 re non potest: horretur enim ipso nomine, sub alterius  
 nomine suam conatur implere uoluntatem. **T**u uos cū  
 mortui essetis in delictis & præputio carnis uestræ, con-  
 cuiuificauit simul cum illo donans nobis omnia delicta,  
 deleto chirographo quod aduersum nos erat decreti qđ  
 contrarium erat nobis, & illud tulit de medio & affixit  
 cruci, exuens principatus & potestates ostentauit in au-  
 toritate triumphans illos in idipsum.) Mortuos dicit gē-  
 tiles fuisse. Primum quidem quia legem quæ ad testimo-  
 nium data est creatoris & ad uitia condemnanda recipe-  
 re noluerunt. Deinde impietatis peccatorum suorū cau-  
 sa indigni erant uita, ideoqđ discreuit hos à Iudeis, quasi  
 qui fuerint inimici dei unius. Iudei uero in unius dei cō-  
 fessione degentes adueniēt Christo addiscunt mysteriū  
 dei, quod expectabant ad iustificationem suam, ut in eo  
 quod subreptum illis fuerat, quia impossibile est esse si-  
 ne peccato, acciperent remissionē. Vnde post causam gē-  
 tilium inducit & Iudeos dicens: Donans nobis omnia  
 delicta, ut post specialē subijceret & generalem, quia cun-  
 ctis donauit omnia delicta. Sed quia sicut dicit dominus.  
 Cui plus donatum fuerit amplius debet diligere, idcir-  
 co commonet gentes, ut considerantes causas malorum  
 suorum, & quamē gratiam acceperint à deo in Christo,  
 tota deuotione solliciti sint circa obsequium eius, à quo  
 à diuersa mortis pena sunt liberati. Quomodo ergo do-  
 Hh nauit

Lucæ. 7

nauit nobis omnia delicta. Deleto, inquit, chirographo quod erat aduersarium nobis. Et quid est & quantum est delere, subiecit dices: Et illud tulit de medio. Sic ergo de leuit cum tulit de medio. Sic autem tulit de medio, cum affixit ait cruci. Affigere autem cruci, hoc dixit esse spoliare principatus & potestates publice & detriumphare illos in Christo: Hæc sicut uide obscura sunt, ac per hoc adhibita cura dilucidanda sunt. Hoc est præsidium dei quod per significantiam diuersarum causarum exponit apostolus. Multa enim acta memorat ut genus hominū ad indulgentiā perueniret, ut non solum propria remitteret nobis delicta, sed & illud tolleret peccatum, quod ex Adæ erat præuaricatione, quod appellauit chirographum in decretis, quod nos à mortuis surgere non sinebat: quia si non & hoc tulisset de medio, exeūtes hinc qui acceperant remissa, illic tenerentur apud inferos. Porro autem ideo omnia delicta concessa sunt, ut resurgerent à mortuis. Quia enim ex peccato mors, sublato peccato fit resurrectio mortuorum. Quod quidem fieri minime potuisset, nisi peccatum affixisset cruci. Dum em̄ non pecando saluator uincit peccatum, quod hominem tenebat obnoxium, insuper & occiditur ab eo innocens, si crucifigitur peccatum. Deuictum enim peccatum mortificatum dicitur. Crux enim non saluatoris mors est, sed peccati. Innocens enim sic qui occiditur, reos illos facit, à quibus occiditur. Peccatum autem principes & potestates intelligamus, quorum studio peccauit primus Adam. Ad autores enim referendum est nomen hoc, quorum mortem in expoliatione significauit. Mors enim ipsorum hæc est, quia uicti à saluatore dum expoliantur animabus, quas tenebant in captiuitate, mortificantur. Rei enim facti sunt, quia cum hac autoritate animas tenerent quia peccauerant, ipsi inuenti sunt amplius peccatores, dum illum, qui illos non peccando uicerat, occiderunt. Et sic iusti expoliati sunt, sicut dixit publice, id est, in cruce, qđ est palam detriūphati à deo in Christo. Ille em̄ detriūphatur, qui palam uincitur, & spolia eius publicant.

publicantur. Ostenditur enim omnibus prostratus, qui ceteris insultabat. Decretū autē qd dicit, non est hoc quod pagani fatum appellant, quia illud non omnibus contrarium asserunt: quia quosdam dicunt ex hoc felices, alios infelices. Hoc enim decretū omnibus dicit fuisse contrariū. Sētentia enim erat cunctis aduersa hominibus. ¶ Ne mo em iudicet uos in cibo, uel in potu, aut in parte diei festi, aut in neomenijs, aut in sabbato, quod est umbra futurorum, corpus autem Christi.) Quoniam omnis spes uitæ in Christo est ac fiducia, nulli superstitioni aut legi subiacere nos debere præcepit, quamobrem perstrepen-tes, aut aliquid quod ad fidem Christi non pertinet surrantes contemnendos, istum autem solum sequendū, per quem deuicta mors est, & redditā resurrectio mortuorum. Quidam enim Iudeorum solent iudicare fideles, quod ea quæ interdicta per Moysen sunt, edant de cibis, cum omnia deus munda fecerit. Indigni autem iudicati Iudei de his edere, prohibiti sunt à melioribus. Solent iterum reprehendere nos, quia dies festos eorum spernimus, aut quia initia mensium non obseruamus quæ nomenias uocant, maxime autem quod dies sabbatorum non custodimus, ut ocio & epulis cum luxuria trāsigantur: quod magis ad offensam pertinet, quam ad gratiā. Hæc autem omnia sunt corpus Christi, quia elementorum per effectus sunt uocabula. Hinc est unde in Euangelio dicit: Dominus est enim, inquit, filius hominis etiam sabbati. Per ipsum enim omnia, quæ quidē sic data sunt per Moysen, ut umbra essent uel figura futurorum, ut a parente ueritate figura cessaret. Sicut enim absente imperatore imago eius habet autoritatem, præsente non habet: ita & hæc ante aduentum domini tempore suo obseruanda fuerunt, præsente autē carent autoritate. Nun quid aliquis uicem domini agens, ipso præsente dominatur? Si præfectorum uicarij præsentibus eis priuati sunt, quanto magis serui præsente domino etiam ipsi in obsequio debent uideri? ¶ Nemo uos deuincat uolens in humilitate animi & superstitione angelorum ea

quæ uidet, extollens se frustra, inflatus mente carnis sue  
& non tenens caput illud, ex quo omne corpus per com-  
pagines & coniunctiones subministratum & compagi-  
natum crescit in augmentum dei.) Quod superiorius sub  
nomine philosophiæ cauendum monuit, nunc apertius  
docet obseruandū ab his, qui terræ sapientiæ studen-  
tes, hæc colenda asserunt, quæ obrutibus adiacent uel ap-  
parent, ut horum detentæ culturis animæ sub firmamē  
to obligatæ teneantur, ne se supra firmamentum tendat  
ad superiores celos, ad deum omnium adorandū. Quod  
opera efficitur inimici, ut semper animas super terras  
humiliatas detineat, ubi se scit semper de cælis deiectum  
futurum iusto iudicio dei, religionem simulans, cum sit  
maximū sacrilegium. Inflantur enim motum peruiden-  
tes stellarum, quas angelos uocat, nō autoritate diuina,  
sed superstitione humana, quæ ad nihilum proficit nisi  
ad damnum, nolentes tenere fidem Christi, qui omniū  
creator & dominus est. Ex ipso enim omnes originem  
habent, quare & corpus eius dicuntur, si tamen agnoscāt  
eum. Ad ipsum enim cōuersi reædificantur, compagina-  
ti fide eius, subministrante Euāgelio adunantur cuncti  
quasi membra corporis in charitate Christi, ut augmen-  
tum faciant deo. Cum enim redeunt ad illum, qui per er-  
rorem deseruerant illum, minuentes copias diuinitati  
eius, dum denegant eius se esse, clementum faciunt deo,  
quia ex perditis acquiruntur deo. Rursum de Iudæis di-  
cit, ga & ipsi sub elementis seruiunt non elementis. Hoc  
loco de paganis. Si ergo mortui estis cum Christo ab  
elementis huius mundi, quid tanquam uiuentes in hoc  
mundo decernitis?) Omnis qui baptizatur in Christo,  
moritur mundo. Cunctis enim superstitionum errori-  
bus abrenunciat, ut solam colat fidem Christi. Amotis  
enim quæ naturali iusticiæ accidunt, relinquitur disci-  
plina data à deo, per quæ uiuitur deo, per spem quæ est  
in Christo. Moritur autem his, quibus subiectus fuerat  
per errorem, dum negat illos quos præsumpsérat esse.  
Et ita fit, ut per inimicitiam abrenunciationis inuicem

sibi

sibi mortui dicantur, homo & elementorū cultura. **M**undum enim dicens, errorem carnis significat. Omne em̄ quod uidetur, carni deputatur. **H**inc est unde & Ioannes apostolus: **N**olite, inquit, diligere hunc mundum, ne que ea quæ in hoc mundo sunt, id est, neq; elementa, quibus compactus mundus est, neq; errores, quos humana ad inuenit traditio, diligamus, sed solum Christum, qui mortuus est pro nobis, ut corpori suo nos sociaret ex perditis. **Q**ui ergo consepulti sunt Christo, mortui sunt elementis, ut nihil current ex his. **S**uperna enim didicerunt tenenda, quæ possunt uitam donare perpetuam. **A**hc em̄ nec præsentem dant, & impediunt ne apprehendatur futura. **Q**ui autem post baptis̄mum ambigit de aliquibus, putans quædam de ueteribus ueneranda, uiuere se ostendit elementis, quæ decernit colenda, aut dubitat cōtemnenda, hic remanebit intra circulos mūdi, alienus à deo quia ueteri induitus homine, carnalia transfire non poterit. **N**e tetigeritis, ne gustaueritis, ne contrectaueritis, quæ sunt oīnnia in interitū & corruptionem per abusione secundum præcepta & doctrinas hominū.) **P**rohibet omni genere ab spe mundanorum, quia inanis est, ne colant, ne assentiant, ne cogitent, quia quæ promittunt, corruptionis sunt. **V**isus enim culturę ipsorum interitum generat, quia præcepta & doctrinæ nō dei, sed hominum sunt, in quibus uana spes est: quippe cum aduersus creatorē inuenērit hæc error humanus, ut prohibens ab unius dei fide, multorum deorum superstitionē inducat. **Q**uæ sunt rationem quidem habentia sapientiae simulatione religionis, & humilitate animi, ad uexationem corporis non in honore aliquo ad saturitatē & diligentiam carnis.) **H**inc se sapientiae rationem habere putant, quia traditione humanæ nomen religionis applicat, ut religio appelletur, cum sit sacrilegium: quia quod cōtra autorem est, sacrilega mente inuentum est. **N**omen ergo fingit, ut falsa quæ sunt, possit uera assertare, & humanas mentes in terra humiliat, ne se erigat ad superna: aut terrena colentes, excidant à supernis cælestibus